

集部

九月日 年 八十二 翰 卿 欽定四庫全書 啓崇順 林編修丁母憂服闋 别 傅 劉 號芝臺吳之長洲 战山 集卷十五 贊 司成芝臺陳公傳 間有經濟名臣曰大 祭文 劉 起補 载 登天啓壬戌進士第三人 بد 原官充經進日講 4: 司成陳公諱仁錫 明 劉宗周 撰 字 眀

賢 赻 璫 明 君 十六天子念講幄舊勞賜祭益而鄉 允 年 也 南 宿老益務攻苦治舉子業蚤有傷聲年十九萬于 攺 賢削籍歸今上御 京國子祭 下第父崇德君謂公曰兒不患不貴顯正患知 公者述甚富其大者九若干種各若干卷行 足 國 窥公凤抱之大云公生 子司紫再補經進晉諭德謁告越二年 酒南拜命以疾卒是為崇賴甲戌年 極 用廷臣為起原官尋晉春 有異姿自少辨 仍配公學宫錄 博 チ BP 坊 世

金贝

П

屋有電

大義不在是因日精所疑扶其指要人之得數十萬言 古人之學首讀孔孟書曰吾向者所治帖抬之說微言 早學殖不固他日無以報君父耳公唯唯乃大肆力於 筝 喜與學者言易公復員发從銭先生受易學父之印 于是有四書語錄已聞毘陵銭啓新先生倡道東南 てこフえ 書公既 先生恨相遇之晚也于是者淵天紹易養經易簡 學始公父為崇德令公讀書署中習知民數念東 LILI 治經學有闻 劉 黃山集 乃進而旁治史家言遂留心經

專 巴井 掌 吏道之污 南 忠 校 理 物 凾 狎 厳し 故 細 命時 井 紀見 與亡之故無不洞如 力已竭而惟正之供不盡歸 審治怨箴諫 日會紀二編一時傳者紙貴既晉經遊會魏忠賢 及公既遇矣職在編繁益取史家言商惟古今 抑 開為吏治砭石于是為賦役一書以今而 事日非公進講之下惨惨以博謀廣詢進 又甚馬時公 深切其故沃之資乎于是有通 觀 固經生也而熟籌天下事 火讀資治通鑑日美哉 朝廷弊坐中飽因 鑑 辨 觀 核 賢

釗

灾四库全書

編 給 たこつ自己言 進 泣 于是有經濟八編每顧逆焰日張 可 顀 詞連文文起翰撰欲并殺 文起公去惟闔 世券公當視草解不可或水以禍 草忠賢乃别屬所私而尋以朋黨謀報復坐公削 乃心不忘當世復考經濟之說兼總係貫以類 用而公者通鑑一書上已從藩即登塵乙夜之 曰吾終無以報君父平會今上臨御 劉城山集 衣冠之禍不已 公曰死即 天日重 門待死 死耳券 朗 成 輒 杤

奸為言其黨聞而惡之一日忠賢以軍功員爵上

咨 頻 地 曰 至若邊陲要害建置沿革及一 孤一 遂以官 吾 錦 女口 飭 是 曠 沂 衣某者忽蜚語中公禍 祖宗 頫 官 日讀西 司 知公進用之公之晋司成也佐祭酒 諭棒 積分法為儲才地而公則時進國子生諭 何業德業半學業子功業乎教不行而敗 何聞者相顧色起會先朝 節 山氏大學行義好之已讀文莊公補 周潘役竣 請告還里公前後輔 不測未幾錦衣自敗後 切吏 治民生無不 餘學猶時時 顧公 得 錫 布 軒 所 要

金

贞

Œ

月月十

五

是 2 得 枙 模 皇 猶 二氏之意為皇明世法 然心神 空言而忽祖宗之成憲非所 腕 病 于天德王道之 明 則 行義刻 其漏也間 于當世之故者一則 閣 亦遂 已殫竭 權自重一則 而 公復驟 取時務之要續補之于是有行義合刻 間 炳 日 如也公一生著述之文莫大 然日詳于古而畧于今艷 楢 編 任將者刻于持 日重 力疾成書竟以不起至公 紀髙皇以 閣 いく 昭 權則旁竊自杜 法 後界 守也于是又 議 而寬于 朝 創 閣 包 守 載 臣 ÞΓ チ 有 鴻 倣

次定四氧合

劉強山集

监 老 驱 矣 隅 エカ 不 乊 不 非 識 思 流 得 絶 故 欲應 運會之院使然子始公既久困公車念母吳夫 無不 得帷 冠交江積十 骓 不出而敗 不 能 鑑] 白量 注意公一人旦晚 怪臣以青幹濟意未當不在公也 不事 瑾 汪直 欺 神光二廟 卹 徐年7 不久當 又曰天 問將兵者掣肘平時而責成臨 不 自敗一 相 解聖天子經營禍亂之日 下事尚可為惟言路與 縰 且 賓天公汝然日吾 相 乃者中外 而公已先卒不 之故 即 難 海 獨 及 言 内 敵 待 識 非 故

口屋

一大正の見いまう れ 絥 無 欲 進 年竟上第後公除 蹇 顯 千歲宗社大命危于髮絲天下已無君臣之義矣券 弗 哭二陵 皇帝 赳 可為者子尚寄 走西山拜二陵 當是時 起因謀之文起諸君子食日國事至此某等坐 所 録士而 乃圖終隱母領之壬戌之役既上春官即 朝 士稱上公 朝籍 秦草芥之 我乃進請于母日兒 毌 徘 服正權奄肆虐彪虎縱横之時 何灑淚而去其至性天植 劉載山集 而 權力 圖 進忠賢無虚日致 潔身自便少公感其義 伏 如此 桁 幡 麽 是 稱

者、 金贞 亦 訓 誥 夭 母皆尚在耄年表病公承惟昕夕代崇德君終子職 Ł 公之自 可 四月白書 年太翁每嘆日吾兒不七及二人相繼謝世公哀 想見其先爱後樂之致云 生孜砭大要歸之經 下為 謂功在世道而識者終惜公之未大用也公束 拒凛然揭一代綱常還之君父卒啓今上中興之 命居然遠矣而卒限于年稍讀公無夢初 已任又 痛崇德君蚤世不竟的施報奉其遺 **份經世晚禁無夢園讀書** 初崇德君蚤世而太 銄

偉 膽 こり 业 嘗 激 于是有病中一念録 族 没 陋不 濟之以學遂稱通偶其 最後又推 輒 不 出前後經進所賜録及八 如喪崇德君也母及 トニナラ 製一主 隨 淵 及交公然蚤 **少其近道則 3**7 いく 私 祀之終其身其萬于友祖 及 妪 劉武山集 是 友 大口 為 公為正人心相許也比 及 痛含飲不逮盧于墓所者 得之學易居多故公于錢先 公絕 病 于出處去就問介紙中 年餘 亚 筆公英敏博達志氣 猶 俸 勉裁成籍以 置莊田若干 又如 此 示 立 後 畝 予

史 為 辭 録 士 而 請者再 竹 越二年公倩吳子守質又來而吾會邑周今君又 史氏曰素廟 仕 朝 士來治吾會稽有聲子又因會稽 公子齊生偶 未 終 耶 崇德令其他世系卒並别見令君為公禮 偷 聚于 俟史臣兼採馬崇德君諱允堅萬歷乙未進 誼 不得辭遂本經世之志以殿公傳 朝 顧子輒以公千秋之役見委予以不 初海内正人自皇祖五十年培養以 共 肘 髙 者 詼 理學次之 知公也 樹 風栽 楠 闖 楊 文 妡

金贞四

月全書

欠已可包 八五 朋 瓧 濟業卒不顧嗚呼宋之衰誠正而迁矣即陳同父不 鈎 及 子與有過馬公雖不倖免實愛其死以 矻 文間學最晚進已衰然壇北而公獨一意改光飲 黨或廢或死或對對牖下說者已為門户之禍諸 失為慷慨氣誼 南渡之運公亦 鉛軟間 徴 君年復元傳 談 經濟業人莫窺其際後諸君子次第坐 何員于清時乎 相與狎主齊盟共郊澄清之志惟 劉載山集 有 為而所 × 詼 君

學 其 族 度 徴 程 之竟學時徵君年十六矣則從整師讀書太山祠 久 玉立識者 行 君辛子諱全字復元山西絳州人崇禎中廷臣交薦 紦 小亭公曰而子千里駒也而局促轅下終乎遂聽 銯 誣 以貢入京師待記故 行實心慕之以聖人為必可學而至也遂焚香 構 言行其立志如此 88段 知其非常人九歲入小學通孝經論 事破其家徵君遂廢學去而治生或 顧 稱 猶未知所入年十九 徴 君云徵君生而岐疑 讀 偶 語 及 曾

金

婝

四库全建

卒 守 玩 舉之習一意聖學時人聞而笑之弗 進 笑者至是負其敦篇嚴苦狀皆折 者孝經闕疑年二十三門人始進徵 年二十七始就室于張 張公基用而異之叩其學大驚以為 心禹明悟 以七戒名所居革酒笑游歌咏燕會及諸吉事皆屏 知入道必自敬始作主敬歲以自弱自此棄去 河洛之說因以契天名齊自稱天齊子 補 行冠禮于學宫之明倫 服 顧也未幾小亭公 君益 于是門人日 程朱復出即 一深自 期 盐 向 頁

たこつら

1.1 ナゴ

劉載山集

特 雲 年 則 學益有師 足多也又踰年過安邑執 從 墟 巡撫吳公悌薦于朝不報又明年過關中執對馬少 條 延之就試而終不以舉業應因策以明體適用之 學師曹公茂孺請也其年督學南公居益校士至 集當一會于垣曲再會于安邑三會于平陽四會于 先生先生稱之曰辛子年少而知學充其指薛 對 井 承風動遠近所至登壇鼓篋答問如響 然遂令冠多士鎮康之學官檄赴秋聞 **教曹兵子先生自此** 徴 辭 同 君 胡

金贞匹

庫

白書

水 皆 良 平 廃 長 名教是非為已任 饗于嗣為舊典所未載云天放中魏璫 者则 首建義旗櫻難 則 則謁王文忠尤以寄景行 從當道所請其守令而上有權益之風徵 安五會于洪 為 請 文以 之當道表章之而 告關忠義聞者裂毗流冠渡 洞六大會平陽二十四郡邑士 軺車所至 必 及婦女王氏等皆不屈 之思仍 於 謁其里中先後名賢 河津則 録其門人之 認幹文清 析 擅政屠戮忠 河貢士盧 于明 死為著 君則益 賢 于大 偷 堂 者 湮 ソソ

**** 次定四華全号

劉我山集

恒 督學袁公繼成廉訪所屬人才 爕 龍 刻、 哀毀 有感于當世之故當著衡 闖 日 析 門 宣巡 求人才 得 故事上書以獻既而 以哀之比歲凶饑殣載道 如其考三年不入內室時徵 發部行眼其倦倦不忘當世類如此母陶 橅 飭 配公徽又総吳公後先薦于朝皆不 吏治是却步而希前人也先是巡鹽 不果嘆一 門片經 得数 徴 日資格不除科目 君繪圖上之直 君接以殊禮 君年四十六矣 世石畫二書 貢 報 擬 指 安 居 于 及 不 奻 因

とこれ

賀 御 橋風動華下一時為紳先生皆折卸下之會流冠孔熾 之 窮不失義 而 震及鳳陽皇陵徴君痛慣者治平謀野擬上聞而上 非 部命廷臣各舉賢良一人以備守令選逐中止而侍 公途聖上書曰辛全忠孝特根天性尚友古人所 路 守令器也今 公根飛首以徵君名應認旋給假還里其後內 得已達不離道而民不失望者全足以當 即用為守令臣亦敢為 得人慶矣遂 万 謂 閣

とこった

ことう

到最山保

朝至京入胄監大司成倪公元路令講學辟雅聽者環

時無 丙 書說及養心錄 是 諡 奉 亦 銀 子 一絲守益公經良擬為 帯 日文敬先生因礼之養心書院即 足以表一時人心推服之誠矣所若 云年 旨 貯庫為他 拗 召 復 用 四十九疾草門人叩所學曰來時無一物 謂其妻張曰吾始終止此持敬 而 徴 頫 日鳩工貨至是成益公之志以 君即 行丁世其他語錄復若干帙 徴 以其年九月平于里門則崇 君 建講院會選去則解 徴 書數十 君講學地也 語不及 徴 種 祀 君 þſŢ 徴 而 佩 既 君 뒍 四

到

定四厚全書

长十

世 風而 欠已四年公島 人 建 委 種 劉 殁 未嘗不智慕其人以為真儒後出而数君方急于用 子曰予往年赴召得接徵君於即且讀其所者書數 不 蛇及徐考其平日立志之阜制行之醇已足為吾道 之五年唐辰其門人實電來越請為之傳因慨然許 與起者少自沐四風微典型日遠士大夫羽于 惜援周流歷聘之風以自見意者大直若拙道固 壇宇則其于出處去就良非無據其眞開龍門之 劉義山集

金 由 由 呼吾今不得而見之矣 重引以為益友一日予卜葬內子犯人祖瑩沈子來解 賜 有難色沈子言未終而去予因自訟曰沈子竟以為 自利之說不復知有天德王道之大全久矣徵君不 **弘成得交沈子相處頗落落而心實器之晚益加** 師傳蚤印聖矩遂毅然以世道為已任使得竟其用 口に台灣 不足讓也而僅止于此乃其學則已升堂爾矣鳴 文學沈本人傳

久不渝遇急難斬多方周即往往除行其德而不以告 人所不及者然居恒局户讀書絕不妄與人事其于聲 化 説 沈子性坦直與人交語必由東遇意所不可輕侃侃陳 補 不 夫沈子雖因諸生中已隱然為一方中正有速官貴 也其在隣里親族解紛息爭多一言而決與人期 或面折人 可少自後每見沈子必内恨人之而事解得竊附于 過之列曰吾不敢頁沈子也而沈子已謝世矣悲夫 短長當之者始若不能堪而卒亦亮其無

火足四年亡号

到我山焦

之矣吾雖老當先爾若鞭及撒棘復報罷意亦豁 出 有 父卒事其母 m 稱 世 利 云少 志不衰人之子姓多鹊起者 家郡 士行子所為嚴重沈子者此也沈子諱祖誠字本人 之途岸如也故終身不揖見一有 父烈積學有聲配謝繼汪舉四子而沈子居仲為 口屋台灣 補諸生輒下惟攻若數試有司不利年既運養 城西之霞頭鄉 汪極謹汪晚年痼疾沈子湯樂以躬親 ĸ 其王父龍津先生校以淳德 顀 北錦夢錦曰二子勉 司識者以是 稱 女口

鄉人皆 Ł 餓 告 附者歸之 伯 卧 己田戶台等 機沈子獨率其鄉之人行服里中全活者甚衆 出 兄謝 期會次第并并至措置務廠事宜織悉皆具遠近 益甚上官庶知沈子賢遂委以一鄉之政而沈 起 北錦華早孤亦撫如已出人尤 以為常民季並長于文學而壞篪和鳴友愛備 相 出也先故無子為之定 感而勘時酷暑中沈子往來經紀竟以勞得疾 如投懷而沈子益出其私 劉義山集 嗣且撫其所遺二女 難之歲庚辰吾越 捆不 貨以佐緩急 ţ 子徴 明 年 如 至

一岸畧予喟然口予志也具書之二錦皆從予遊有志操 卿行同市賈以自誇納于人曰名士而士亦争艷慕之! 既卒北錦遂進為嗣子因思所以永其親也向予稍述 鈺 五十六 配章氏為予舅華臺公為漢長女而沈子竟無子 風 贞 呼上馬者吾不得而見之矣得見其次斯可矣後世 華 植 楼信 粥殿事不已鄉人感 之多為望禱云年 日仲尼論士首行已次孝弟次言行必於信果此外無聞 口周白言 日薄高者馳聘詞章下之奔走勢利至有名栗公

欠こりを とこう 徐公二公以易名其家後皆登進士第為名官而謝 長者先生生九歲而母林平則刻苦讀書以承父志年 為望族而先生家世隱約父信縣公樂善好義里中稱 先生諱頳字叔魯號南洲會稽道墟章氏章于會稽舊 已如空谷音况進而語士行吾乃于沈子有餘慕馬 為荣使世道平受其散當是時求一烏户讀書其人 四五從上虞孝無狷蘇謝公受易公器之已又學于 外大父章南洲先生傳 劉載山集

金贞 珠 偉 風 言其故授 無 頫 文 何 抑 先生徐 懿 不 名于時發為制義追琢古致而多獨解一時 玊 夙成長而漸被二公之教益 四戽全書 銤 願 更者即世廟 公累上公車不第一日過先生再拜請赦先生 交先生每邀先生 視 出一 軒冕之志乃大肆力干經術久之遂以易學 以指南公雖然復 解 間以御 則四座嘆服 卷 聯 史 五 四 講社 再拜謝去尋登上第因終 因益 挺 劾 得 奸 挺 奉 疑義必顧先生 自立傑然有塵 相嵩者也先生英 先生為祭 知名 酒 具 士 諸 云

氏三 忘 身 た己日 早亡寺 數十年間吾鄉以易願 然嘆曰吾其已矣將在及門二三子乎已而門人日益 生 報 類如文懿公也少與族 聯 **假然為當世師無論識** 既久一日以着上遇塞之謙其繇曰大蹇朋來則喟 罷年踰艾矣乃去而從所 ,傑先生獨數奇以郡諸生試于省者連十一舉 為金石餘所交知名士後先登第去者德先生不 名 劉載山集 制科者多出先生之門先生 不識無不稱南州先生云先 兄少恭公禮食憲公煥號章 好以處士終始先生困 <u></u> 進 輙

· 鼓率發必命中乃已至率作之際風雷迅厲又使人鼓舞忘倦 參勵趙壁及吾族祖姓並以州刺史顯宋某以縣令顯已進而 已進而教於郡邑郡邑之士無不事延先生者若馮景隆以大 宜以駕部郎顯羅光鼎以比部郎顯沈校楊大成並以縣今顯 生之設科也量人材器而程之高者抑之下者舉之其要歸於 行教四方及京師則所至皆爭延先生者華亭徐文貞孫元春 故及門多所成就始而教於族族之士無不爭延先生者其後族 如鉱以孝廉舉已教於鄉鄉之士無不爭延先生者若陶允

金贞

四月分書

とこ 瑶 諎 冠 延 通 子 顯 學生 泉 书 陷 進 湺 政 及其老而再遊京師則朱張二翰學陶宗伯爭 授 進士則先生所手植而成者也及年幾九十 顯 士舉中州郭蒙吉以 **氏陶允嘉以** 而陶望齡以南宫第一人舉以司成顯朱敬 公獨延教其将郭 經 張汝霖以憲副 問光禄 鹺運副 聞之遣其子來學人以為伏生 再 顯 劉熊山集 生頃之還家年已七十餘 張汝懋 使顯年八十而不肖宗 别駕顯順天周應中以卿 いく 御史顯 已申 猶 問 矣 'n 循 延 師 貮 犸

コシーニーラ

望 其 非 女口 奇士也 鋐三年 經 數十人乃先生雖不發于身而仲子為漢亦受先生 鰤 子 取科第如寄光禄唯唯一舉 他後先及門者不下千餘人傳先生經學世其家 師 舉于 及周 业 光 鄉 而有成曰鋐自此舉矣然 行當大魁天下得朱通政曰子他日名位 但不宜遲暮則盡出其枕中秘授之日熟 為名邑宰先生之道不終蹇矣始先生 歃 數起數什 則誠之日子病太剛終 而連 捷 艱 得陶 于第得周光 可成 不 日 能 吾

黿

贞

四月分書

萬 第為不幸其員知人監一切奇中往往類是先生性豪 私志曰 火己四年白島 座不顧尊貴人尊貴人在座者次第麗匿去益達夜 宗 爽嗜酒每晨起為諸生授 江 大顯朱通政以先生九十來稱觞先生睇視其俯仰 干宗周出 里 周之舉于鄉也先生方隨任仲子有專西之行舟 行遂辭仲子還而得 权 理不久矣未幾死自少愛宗問曰兒必有成 初場以試卷呈喜曰甥必舉矣予何為 劉我山集 宗問提報然循以少年登 經畢軟會客飲飲醉後 輙 泊

考 金 其壻 震 驴 史及當 休甚則 席 怒命長跪 師 至 諸生課一一勸誠有差而諸 白世 謝 ЦP 女口 才刀 曰 安 E 以進 願先生終教孺子自今不率則請姓之復 世人物 推食案具有狼籍委地主人不 得善教如先生者自此待先生禮益隆先 偶 不 自他所 然此外不呼盧不射覆惟高談古昔 起聲達内庭 賢否而已故 歸 夜 深矣問 少 師 生益 聽者悚然忘倦酒罷 起 郭生課 而聽翌 日夜進于學館 敢 日 不應先生 俯 躬 而 捧 视 顄 稱 復

П

Ē

生計量

氣 生 **处已日平台与** 愍事業不足多也先生既有志不遇益憤嫉流俗往 修儀丰骨峻整面浮緒彩夹夹望之如神人而剛正之 卒皆信之聽先生出入交遊蚤夜不問两處師 癸 雖 雖 之酒後既老而罵座益甚常自笑日氣足以配道 自 得之天授當其發揚蹈厲一往而前能令千夫辟易 揖上座或曰不已倨乎先生曰師道然也先生偉 謂貴育英能當之先生常自稱曰使予得志楊忠 館貴人而語不及私未當一涉足勢利久而禄 劉載山集 相家皆

金 魄 陷危法乃書券納先生求援先生曰吾敢乘危以射 出 义 业 族 在 卤 京 與人交終身不替遇有德于已者一飯不忘友人朱 贈 川當助先生麥冊十金越數十年朱君物故其子 族弟某與先生比隣子孫思欲并其第以自廣 子恭某 曰吾生平嫉惡太嚴然人有片長報頌不啻自其 四月全津 之腴也先生具道舊誼因拜謝而去又喜問人急 師先生酬 雅丁遣內皆籍先生援得解先生終不言德 以風金且給道路費命之歸其子曰 日

大三日早日吉 云 者 **哉還其券而解之晚年家居里有遊手博塞關很無賴** 氏生二子一女 長為雲次即為漢女為宗周太恭人 如晴空宵次洞然無纖毫隱伏故所至人望而敬之年 徐二師 十命工繪青天白日 先生律已動循禮法雖造次不設情容而心事磊落 **快以師表一世者非偶然已又曰吾平生學行得** 必匿避先生即不及避必自縛悔罪乃去俗幾 居多益以知教之不容已如此也先生配 圖小影曰吾平生以之則先生 劉載山集 丸 變

贊 稅 生 解 **藝傳謝公之學雅皐比該易數十年淵源所漸多成名** 九十二疾革謂宗問曰此常事不足怖也先生所著易 子皆先先生卒而孫輩復世其家卒于萬歷乙已享年 一宗 也 孫行也然不敢言戚屬而以師道事先生志不忘所 存河南郭氏故不傳而 日師道之重于世久矣語日 問輕級不足道如問光禄陶司成二君子皆卓然 詩文雜稿截 于家宗周于先 師道立而善人多先生

金好四月至書

妙 平生得之先生不啻先生之于谢公也嗚呼今亡矣夫 樹 其 閱 吾妙之嫁于章也其夫曰端察處士有賢行而天久之 **欠已回户公告** 造就人才之功乃在世道矣問光禄書謂宗 立其出處有無為世重輕而一 時既久一二事 復天因合為小傅以誌予骨肉之痛亦大略爾矣 章端齊暨配先好合傳 懼 衡君之狀 而讀之曰有是哉乃復為著傳 狀恍惚胃臆問英能吐也一日復 劉我山集 出自先生之門則先 問 曰處 日 且 吾

金好四屋白書 弗 御 賢 士諱養仁字完素而端麝者則處士既殁而其宗人 示 弱 쒸 いく 縋 兒長致有他處乎若此兒以一人 者 不得列于人賓峯翁感之卒娶後妻陶而處士奉之 么力 終服人多難之苫次中手書孝經一卷詳加考釋 冠喪其母謝哀毀殊甚竟三年流食飲水終喪猶 娶則 私贈之以當易名者也處士生而端方性至孝方 弟妹讀之志所痛也處士既喪母其父賓奉翁欲 泣而請 日弟若妹皆幼失母大人弗繼 两傷父母兄弟心 得 1

þir 行 廢讀書然既長則向慕古人所傳懿行每事輒取法 日為善難作惡易一日之內三省乎身故其居恒坐 無問言處士少讀書不甚慧會賓拳翁歲歲客都 以檢身克已時時常若不及然當手署當户出入處 兄某又隨入都下不歸以是處士稍長管家人鑰而 火 謹得其惟且飯弟妹曰有異子無異母故孝必稱舜 止皆有尺度而遇吾妙尤莊妙于歸數年絕不開有 稱閱汝華識之于是弟妹亦能宜其父母如其兄 卧 至

一次と多

是在答 1

到截山集

之其人亦 經 业 方 昵 方解之卒 天倫其漸 先生 詬 بال 里 嘻啞之狀處閨闔之中肅若大庭見者或近之弗 聲 席 婦 族某 有不潔者妖之如讐 輙 為 掩 悔週 示 慚 其外 絕遇裸者于途望望然避之家居聞 鄉 者其塾師也夫婦 服 為夫婦 去以故隣 里 信服如此乃處士竟以母喪坐 扉 如不 如初每一 有 欲 詬 **開翌日或召所** 即偶至其家去次院其 者輒 反目 曰吾賴此子得完一段 數年不解 日不可使開 話者理 "處士多 毀浸 于執 里人 所 顄

姂

がとこう

卷

屯 當 とこっ 無壽 业 流 惜哉始予少不更事見人稱處士執方先生予亦曰 準繩有有道仁人之縣天假之年充其至曾関可幾 為易名端齊抑人以為信處士稅甚寝賦質匹嚴宜 察察數年不起年二十四 予外大父南洲翁處士族 方先生既别處士三十年予老矣自顧行復猶不 涕泫然具所以感予懷者深矣嗚呼孰謂處士果 ıt 稱使處士而在予將以畏友事之撫今追告不覺 理然助小丈夫而卓然至性過人雖未嘗學問動 5 到我山东 伯 能

壽子 金为四月全建 婦道旦晚執 出 既 始予母之稱未亡人也好方週歲而予在好 為 妙貞範劉氏妙之殁也宗人誄之日貞順 于族得處士方抱處中痛不暇問為爾妙四之益 外家户性慧朗登工繡 而母子皆長養外家姊惟母之訓 未盡具美也改謀曰貞範云父贈公某母叔人章 饋以為常賓奉翁甚稱新婦 卷十五 刺 而 體 傾 然情 起坐相傍未當 賢既免喪處 而 雅外父為 納育甚 弟宗問 劬

離 病察以終時年三十八稱未亡人者十六年而病而支 賓 奉翁家浸落矣又終不得于後姑遂與分庖又數 長則奉賓翁指延師教之漸有成而拮据米鹽益勤時 聲未當過聽除若不知人間有孤寡事者頃之孤子 不痛絕者且為姊難所處而姊擁東終喪如禮哭泣 士亦旋即病察人之不起則姊年南二十三遺一女 7 3 1 LE 1 牀褥者將十年則如心死于處士之日久矣心死 次第襁褓中時子母子皆沉痛欲絕即其家人亦無 劉義山集

死婦朱氏守卸于今有姑氏風遺私孫安民聘俞 萬 範 為 而心毀之以至于病而同穴之意又不欲見諸辭色 地 有以也夫負範生于萬歷內子少端蘇一歲而死 敬姜續者始能為端齊妻且不愧為劉氏女表以 近于情 歴 癸丑 下告敬姜畫哭其夫君子以為 一匡邑庠生撫于予終姊托也後姊十年而匡又 端齊生于乙亥卒于戊戌女適何光提邑庠 而遠于義有傷處士之德也至此始以 卷十五 知禮吾好乃以能 代 報 于 ハイ

盆

힜

四月全書

大三コシ ニュラー 子 其世嫡曰應麒麒考曰學可公亦以行義聞宗黨而父 抬 如 馬 宗 女一未字 裔何寥寥也新人傅而與子 同單稱孫枝者僅五七 間式微日甚伶仃一該苟延門於薄田不能給 **靖節宜必有福祚流于子孫可操券而俟及夷考其** 艮所先生稱述報嘆慕不已以翁之德即託志園林 問近輯宗譜見先世有日涉翁者其行義為先少司 世父學可公傳 劉義山集

喾 聚 能 敝 號 猻 不 廬 無 世為 三上黔中 愢 族 Ĺ 感于天人之故予先 不能蔽 而分 其兄至食 L 旭 以為有天道翁大節 隂 挹 日 水 西 于 風雨一二期 脱父戌世傳 橋公森蚤世配王安人勵卸 澄 此 報後人若霄壤豈天道有定不定 里人始 注于彼 所自 遷 孝子其後發子支千丁 即 エカ 公諱 讓其兄成名而垮修萬 之親又無 加 出 曰文 日遂安即 壯 質公而日 字汝男學可其 論已子于是 撫狐 翁之仲 涉 鄉 FIP 衣 其 曾

万

口屋

白事

欠己日戶公言 禽氏君得非其後身頹君世世受天之祐公曰某 非 其下創甚大呼劉君救我公趙而掖出之時月色正皎 四 方盛年偶館於僻巷隣有婦殊色忽暮夜寢室壞婦 隱德而公加耀云公生有介卽于聲色貨利處之淡然 諾對戶而 有他意處覆巢之下心神惶怖稍仗福人馥持耳 **爾寂無人婦啓公無遠歸請逮于旦府君解之婦** 之考曰列泉公庶配傅氏生六子二女祖考皆世有 榻 自鳴表曲至曉不二婦乃謝曰古有展 劉載山集 蓋 固

未 庭無二獲要在不欺此暮夜心而已如是者數十年 學古人耳因自號學可自此公意欣然若有得也益 金少 踰 乃廖及喪公方出遊在外忽一日心動 Ŧ 慕古人之道而學之因點坐一室左右簡 出 日 有 U 舰 知 檢身益嚴日遠于 Æ 屬 者家貧歲為人塾師 及母 という事 繳 衣毀終喪猶以無財 病 劇嘗到 股 非 僻 和 粥以進 之 資 習自然 館穀以養未當有成容為 不能為禮為 4 超歸父病革 居 飲而甘之 幽獨推 編經 恨至 之 翌 數 飮 E 月

仐 馬吾知公之學行且日光而日涉翁之裔未當不積 顄 佔 てこりい シェト 再舉不售報棄去以處士終享年七旬卒于萬歷丙辰 終身遇諸弟妹友爱如孺子患難相恤不避湯火迄 月二十八日而 畢自仍繁多而實寒者矣公坐紫科樂業有聞 見于躬行者如此雖未卜其道之有聞與否亦異 再世合食人無私財子無常父皆公之教公之學其 氏生二女一子子即應麒頗能繩公志其後當有 距其生則嘉靖丁未八月初八 到極山集 烹 及 ميط 聞 而

金好四月全津 有意于學而猶未卜其道之有用則學亦難言哉告孔 之所不載而公安之正坐未當學問耳公有感于是 大也此子所謂天道也 門論孝弟為求仁之本而中庸言上達天德乃在屋漏 族子宗周曰到股而傷生逮婦于旦而至于瀆禮皆道 不 吾鄉故光 愧始知乎此者雖謂公為 孝愍周氏傅 禄少卿周寧宇先生立 朝忠清一即有古社 知學可也

生又有令女孫曰周氏嫁于汪而死義君子哀之私諡 稷臣風即吾鄉諸懿行未能更僕數鄉人多化之者而先! 生 孝愍氏初太學君擇将而得蕭山之汪某富人兒也先 生孫也先生長子曰太學君惺蚤故遺一女一子女即 義 絕于夫不得為汪氏婦也不得為汪氏婦乃其為先 夫恩輕于父矣周氏之為愍也曷不從婦而從子曰為 日孝愍言不愧為先生孫也禮婦人謂嫁曰歸義重于 有 難色日吾家儒素非若耦會中毒有主之者竟諾

とこりる

Liab W

劉熊山集

孟 追 状 其 其夫方館于外亚走還視強質 還 先 枥 隨 生 歸 婦 其母不解所 母家 輒 四月白潭 快快 魚 幾下如厮養習為嘻嘻怒則助姑為屬而已氏 時時站許 汪先生滋不 告 栭 一猶親官! 移 眪 泣 侮母家姑 也 不忍聞舅汪某時喜時怒喜則相爾 輒 門女不乏艶 懌也已而先生亦謝世其 日吾死不歸 遣之如 趙 又繼母也不恤其子益朋 是者數年忽一夕縊死時 粧一日 汪矣此豈可與父居者 明电而葬之中野里 顧八短 舅姑 褐 椎 雖 雰 髻 汝 乃 知

贞

大三四戶上馬 愈不可以不白也即汪氏可無婦先生不可無孫 之父以立節無一可者熙乾感之事遂已然而氏之 念之矣天下豈有無父之國哉辱親之名以偷生殺 色 愕然有部母家者曰死之夕汪某有獸行馬氏方属聲 日舅不義而殺其婦還以舅抵是父子相殺也且氏固 因 逐之而某走挾乃姑争持械來亂擊其頭 闔户自盡其弟熙乾訟之官閱三月起屍烈日中 如生然當事者竟無能斷斯 劉載山集 被也子 當進 照乾 慰 額抱傷 兲 固 悶絶 志 頹

金厂 裨 亦奚底于壞方且三綱由 外 則孝思固不特為先生孫也益亦永為汪氏婦 姜諸孽有東孝愍之志撊 為 其國下及唐季高元之際 世教 史氏曰予讀書至中葬之刺莊公而配之衛竟以 孝愍傳俟採風者擇馬 U 屋台灣 貞女傅 祀 栢 舟 一誓催以 · + 五 從 JŁ. 然制人主之惡而不得肆 枥 何 終者節 眀 獨不然當是時假令宣 九法由此而 烈不更遠哉 叙其 有

火已口奉心告 ! 働工于編刺 暇則學書史稍覽詩易兼通釋典長而問 長 貞女馬其父曰太學生方揚母劉氏為予族兄先方伯 公女有賢行而蚤世先舉子曰英士女子二人貞女其 以來貞臣志士代不乏人即簪笄女流亦往往以德操 予母族章會稽望族也風氣岸直别于他著姓入園朝 也生而柔婉有至性母殁哀毀骨立既免喪遇忌火 如先太淑人撫孤宗周尤其皎然者異哉于今又得 門之禮足未嘗輕置户外也初太學君之考司城 劉義山集

金贝 求 公 女待年二十矣王所 于 報 朝 奉文成祀幸矣遂字之乃王氏之子固嬖人所生 方官京即時王新建瑞樓公有子族将也因以其 Ø 配于貞女曰此其為文成後者也 민 太學 宋累作瑞樓公建出其子曰螟蛉也且以其事 世聚且來請婚時太學君方認逐都下託故 可然 厚 至書 君曰誰八子也而稱 猶 為族子所持未敢 謂螟蛉者自燕歸乘瑞樓公故 ž 顯 秦晋乎因絶婚王氏 言絶之也至己 司城公日吾女 謝 C 貞 볘 而

弒 而 命 客 為 女 シンこし 日 . コト たいよう 已也一 面父為 准 死乎以為死 也幸 死誓人就無死者已而遂請疾不起疾數月時 自廢得依吾父膝下終其身於願畢矣如其不可 微 之訟也一 聞所 弗悲悼時即已已之某月某日也嗚呼女何 恨臨革坐起持佛號而逝且 日 以心竊自傷適有議 引 E 所 佩 陷石梁先生與予講居易之學人 天誰 刀自截其髮家人點問故第日吾 劉義山集 為天者以為 烟于妹氏者貞女疑以 廴 所 謂家人曰吾 暴又未嘗 Ŧ いく 請 为 弘 毁 不

豈所 指處患難之中為蹈險者而先生以 能 廢 于子予無以應既思而得之絕婚義也完姻禮也與其 貞 歽 誓死女子死而禮與義两全無害又曲全于父子 只此是易二女子者其一為張氏女既聘于王而 竟 醴 女所處為尤難云方絕婚之議未决也英士嘗謀之 無寧廢義益亦為生女子地當出此耳不意女子 歸夫家易服守志其 居易俟命者與險易之數 貞于道不貞于遇 即 貞女此其事皆甚奇 里中二女子為 如 間

釗

姂

四库全書

卷十五

以遇而已苟且偷生動有完地何苦而以六尺從之無 汰 而 共 女 火足四年と野 行險 Ð 陳安人卒育于大母等年十九歸章立鎬時章門方 姑者王父兼拳府君之女而宗周之姑也姑生六歲 孀 而吾家中微非匹也甫入門即失姑母惟姑沈侍 共姑傅 以其妹之狀來請因有感而為傳 而 傲俸之至乎則貞女辨之審矣英士有志于學 悍視婦椎髻而服練則女奴畜之 劉義山集 E 用紫鎬

徃 飽 揂 牢 且 不 錮 來 姑 醴 姑 之 日 媚 醴 馬沈 而虐 隣 處 理 也 婦 麻 2 頃 而 而 媪 枲 之 見 惕 之 盐 アງ 姑 之 女只 虐 鎬 林. 始 組 錮 無不泣 前 成章門 坐 紃 其婦朝一五飯夕 姑 分 狀人之 之職 也而 别室聽 外 婦 恭 婦會 下者 いく 故 為常 解 順 復 鎬 有 由 出 沈 又出 不 且死矣 是 沈 醴 力口 而 口 共 出 稍 私 姑 無 '稍感動: 孟飯穴而 呼 婦 姑 外 晚息聲 自 呼鎬前復 婦 錦為夫婦 逻 JŁ 開雾其 沈 鎬 私 雖 鬨 其 出 妯 户 日 外 行 娌 凡 母 内 Ξ 同 不 婦 又

反

U

Ē

白雪

脱 聲每伏臘祀先歲時問遺親故皆有即 外 红 竟憂悴以 囚 周 こういここう 少時從 簮 家姑操家政電 所 而 姑浮港而已姑羞之亦不禮 不死 遺三子皆側出姑撫之如 珥佐之鎬 祖 死猶手遺奸粥田十 1 姨陳道先姑 不至終逐 不一問 勉力告無可為者猶思以禮教延 劉載山集 則 也聞之或及以為悉晚年 陳 姑 婦 有力馬及宗 所生 所生者二女子宗 畝聽鎬一 問憂雾狀甚詳姑之 不悛竟以流湯破 姑取 朝 周既長侍 而盡之 諸 女紅或 益 亦 窘

愈 我 見我姑平生何異詩人之咏綠衣我思古人伴無就分 今言之何怪也吾死矣夫已而遂不起嗚呼以予所 孝廉死姨操方嚴以節行著云 埞 捫舌 日天擊我矣一揮涕而罷且曰吾平日不言而 姑之謂乎求之圖史盖姜詩婦鮑女宗之流熟謂古 二十年絕不道平生一字晚年偶及之方一二大略 四库全書 即陳安人之妹孝康章孝泉公之妻而于鎬族 及宗周追感其事因私益姑日共而傳之

臺 大巴口戶 仁告 金 即邑奉為師表而王公失其炎失嗚呼先生不知其 业 與 其所自 王精神 1抗直聲而如矢及夫一死與日月爭光久矣不 方而嚴制 黄白安侍御像贊 占日守之云子庶幾東志不回古之於 鳳麟儀止我冠絳袍 禮則議學博而偉 到我山集 厥用則 觸 邪則為漂正色于瀬 潛故所至望 而康 旭 男 風

張守察像贊

水 金切口犀白津 嗚 爾 栖 變自擬初試處廷讓九官而 呼吾友以為館閣之英也而雅志錚錚願出入于禁 弘弘千載伊誰後死传 而惜公者猶存少武奉公八年以往之音容假 掛 為 栖而皇皇矣喪家之足惜公且放比靈均而品 神 王聚洲年友像贊 武之冠去國收黨錮之籍為五湖長曳五截 公 輔 之器也而慷 難御 慨 之遗 自喜恥浮沉于聲利故 日像 作 八得 年之 士噫嘻曷蘇公志以 年 官 浒 矣 司 故理 時 距 則 挑 展 上

次足四年上島 云胡以與 鸣 繑 之肅肅標岳崎以撫撫我瞎斯像三嘆平生不有作者 訢 進而奉公之教也或或愧相與之淺退而聞公之風也 呼莫高眶山厥宗弘華先生以之峯類高跨英沒匪 橋北海之匹與 新何慕用之般一日得步公武而公其已矣凛秋稜 祭趙婚鶴先生 陳中湛總憲像贊 劉裁山集 善

山韻 平 是 姚、 席 卓榮不羈還 卸為 乊 激揚進退 其流河漢先生以之澄襟浩 就 卷 澄 道 致 الم الم 風飈 群 蚤践 國 視 1) 樹 險 þή 解連察來禍 一仕路以清無幾慶歷君子 銓 睨 就準繩子長之才希文之志北海風標東 女ロ **歳寒冰雪** 夷 沧桑幾更屈指癸巳晚年一出銳意太 司孜孜品 就我待盡邱首何期卓哉先生始 酷 槩 胡 身家蕭 五 不 洞 整遺再逢明 觀消長 瀚偉哉先生曠世人 蕭 白髮萬 湍 深維否泰六計 朝 聖天 旋 里 一黄 開黨釁 沙 網 怡 新

嗟予觚生慕交英俊晚獲同朝倦倦後進登先生座光 開東銓誰說回思哲人愈增嘆息悠悠世道曷知其極 殉 歸 風吹餐叩先生音廟芬王潤退而惘然消吾鄙各一 鳴呼君臣相遇自古難之蓋有有臣而無君者矣未有有 我來趨覲生死此心致君堯舜 欠記口声 八十 **魂夢徒勞懨懨在疾雲山萬里遥聞旅機先生已矣** 田銀臺三晉昌言不足手書以訊國士遇我一官相 祭孫淇漁先生 劉蔽山集 華 E

慷 啻儀形傅嚴之下特起蒲輪而先生已委頓不能就 失色若推孤棟然噫嘻何天之未欲平治天下也以先 君而無臣者也我聖天子御極九年求賢若渴金甌徒 猶扶病 且將十年而一片愛君憂國之心無日不懸之魏 之品之學而僅行其道于典禮一席或挽之或死 訓 夢麻時段竟無有一副其望者已乃物色及先生不 聞之日慇懃問故震悼靡寧同朝之士成為嗟咨 抵 國門遷延陛見竟爾為馬虚九重延行 道

金丘

四月五書

生 典禮一 たこっと 後塵復登 巴子. 典悉從異數亦可謂生榮死哀而先生之目其亦少 奸 道 也 因而落膽傳之信史直與趙盾之書同嚴斧鉞而先 雖未行于揆路而千古綱常待先生而扶植者已 不 乃復作遇而作奪之無今追昔人也天乎然先生之 宗周 朽之功已在宗社矣乃者聖明昭鑒孤忠身後之 席一時 昌言偉議聚訟朝端九重 為之動容羣 12 27 朝 久辱同心林阜相望千里迁 右孰非先生餘庇所及而先生已不我 劉戴山集 迎晚而從先 瞑 在

金贝 沤 洛 腸 矣 視古尤甚煌煌 起 芝宇宙萬古斯文闡為正學珠四是尊爰及宋儒廉 世道愈降如草岷江亂臣賊子日以披 嗣 斷 撫賴臭于當年恨淬踪于帝里能無引綿心推臨 四月分書 即 和或勝正偽學有禁偽黨 閮 終 故陳一莫附以生寫其先生之顧我也 魏 距 廓 ग 大明 園給 放淫益嚴以 諫 而中學禁學禁伊何東林射的 謹道之將 有 碑園匡代木先後 行小人所病是 **倡後之視** 非

大乎是嗚呼我公矢死靡悔臣罪當袜子學何罪構 退 友人我力同心用補衣職遂件權奸以中義賊以進 |學之貞信道之卓以此事親以此事君以此事師 冰寒王潔壁立千仞轟轟烈烈蚤遊梁溪與聞正學守 阜嗚呼哀哉人百其身卓哉我公度越人倫我公之品 年來飛矢孔亟一朝發難忠諫駢首詔嶽林連積屍 欠三日豆 たたす 是道非道請下諸命致命遂志如此而已賢聖之學其 以荣以辱以生以死惟此學鵠是學非學請折諸 劉裁山集 如

是而不知求幸遇其人矣示我以明 瞽 赐 定 隆 月·] 呼士有曠世相感不啻一 有前盟生離不遠 死别徒云臨風 明 有耳而不 之賢不肖 江 祭周海門先生 河 行之乃至抑之愈揚挫之愈属世有升降道無 行地 벡 日 何能以寸乎有 月麗空所腐心者待 鐘鼓之陳謂之韓士之于道也反身即 + <u>A</u> 堂而或覿面而失之其 目而 不覩 白坦易之說而 罪友生千秋之 慟 辰星之麗謂 柳 叩帝 間 誼 猫 汚

万

四周台書

袓 **尺三口阜二** 見而况其関関馬望道而超者平始先生盛講良知 謂辰星之麗天鐘鼓之在序凡有耳目者皆得而聞 著者為先生先生于陽明之學為信而謹守之由禰 千有餘年而吾越陽明子以良知之說啓天下及門之士 于吾越最著者為龍溪先生又百年龍溪之門于吾越最 又 嫡相承讀其書宗旨有述宗傳有編一時學士大 相與維持左右底于無处懿哉先生其于道也 劉裁山集 TI)

不

知求則亦聲瞽之夫而已嗚呼斯道之不傳于世益

愈 受 生于朝 晚年懸車會遭學禁交遊盡謝 首 白而坦易也從 予 婛 教 起先生為士紳著蔡冀天假之緣宗周不進而奉先 往來吾越予髮未燥也及稍有知頗欲深雪身心 面 所為韓瞽者也世之不為聲 瞽者益亦寡矣猶賴 U 而失先生如宗問者哉先生之于道固如是其 地進而及先生之門而先生財歷仕途雲泥相失 戽全書 亦將退而奉于野而先生忽已逝矣嗚呼世有 之者編天下而終不能得之于宗問 长 日際聖明表章斯文 為

大足四年在時 後 嗚呼業已聲瞽自廢矣而猶知先生之道之可尊非良 斯道絕續之候而又不少雷先生為後死者地則其所關 知 生捐館之時正宗問趨朝之日不遑走哭姑臨風灑涕 于世道之不幸為何如者予能無这然于先生少哉先 生之學呼寐者而覺之自學禁以來諸名宿略盡正當 誌平生仰止之私其先生有知終不置我門牆外也 有不昧者即其先生之啓予即其即先生之啓天下 世即尚黎 到我山集 芜

金厂 嗚呼孰有以一身之出處 殁交感一時獨繁之先生之身嗚呼傷哉惟先生鍾 徽之間無生有異姿風契道真少而學義文之易晚 通 殁 河洛之神遂為東南學者領 祥麟故先生雖雅志林壑視珠玉如敝屣軒冕如土 而世亦不能終廢先生之儒而醇紀綱 口戶百書 關斯道之亨屯俯仰古今军儷其人何意出處存 終張二無副院 卜斯世與斯民且以一身之 袖而舉世亦望之如威 席幸予以 而

段定四車全書 臨風而拜使恃肺腑之可申哀哉 水之間亦發宛委之鴻文予敢不避兹風訂請事送巡 平昔從游之召安得不念此而愈殷于斯時也既人亡 矣爾生何辰陽九之配一疾 奄淪痛山颓而未壞在於 予既罪放先生亦以病請後先去位席不及温吾道館 道契之雅參彙在之慶識者於此卜世運之維新夫何 行過仙鄉怒馬如檮空靈輛之既延載生錫以進陳敬 而國瘁亦索處而離厚奕实先生其重顧我于務山鏡 劉裁山集 中

學見兄神氣能髒幾不敢仰視乃剩有當于兄心相視 莫逆既别去将十年弟兄踪跡潤絕而兄私于士大夫 不痛哉弟之初與兄遇盖在許敬庵先師之門時弟初向 未幾計聞匍匐來奔欲一見凡相與永訣而不可得豈 嗚呼弟令永與兄辭矣平生之誼若何可言日者兄病 革猶切切念我二三友生以其子書來召而弟不果至 推報游揚無虚日一日誠書鄭重不勝其愛慕之 祭丁長孺 塞十五

誠而弟乃辱與兄友其知我有如此者當是時廟堂之 **設定四車全書** 繼削籍而兄已病且死兄死而二三友生禍日酷吾不 曰吾 愧長孺多矣遽投劾去會 黨論復起兩人復相 時事轉移弟與兄先後起官弟出而兄不出居恒朝念 十餘年來不致以其身為小人之歸者皆兄賜也一旦 **惨乎世道之憂生民之計凡有所見必于弟乎發之弟** 因得廓其蒙鄙以堅定其志出處進退惟兄之指是承 上黨論初起兄首以直道見麵退而隐于合溪之上惨 到戴山东

而莫之故也天乎人乎其吾道之窮乎兄既死而二三 道抱當世之憂竟不能一日武於清時卒江湖憔悴以 幾人其生也不偶則其出也有為孰是凡也學古人之 弟終惟不測兄真不難與弟俱死者惜乎兄死而弟莫 也兄謂門人陳子曰劉師得無罹不測言已泣下假令 之從也嗚呼噫嘻彼蒼者天實生吾黨千秋上下寥寥 知當日垂死時繼緣深情更何如者猶憶黨禍之初起 而生平肝膽徒激切於二三友朋問恐其禍之不免

卷十五

とこうらんなう 嗚呼三代以前士多尚行而後辭章三代以後士或尚 友生遂已次第死于讒而殺于贼獨弟尚偷一日之生 筵用陳永許之東知兄必有以鑒我也 悠悠會 弟有殇子之戚即具尊酒遣一介之使進之几 言儒将漸龎及其弊也以文滅質道乃淪亡聖遠言湮 亦侵侵如窮人終歸一死以報知已而已日月云邁我心 人網不振 邪乱披猖士生其問 家置一喙如鼓如簧不 祭張慎甫 劉龍山集

道喪千載長夜茫茫得我先生如炳以燭日入之光功 凡所折衷布帛稻梁非聖不讀非學不講夢寐美牆九 尊朋來遐方爰及詩書春秋戴禮因略致詳進之四書 金分四人人有意 武莲華深蔵士命千秋區區青紫易足短長別其今日 耀芒生平大業盡在編摩入室升堂嗚呼老矣壮而不 經卒業伯仲之間康成紫陽記云到古實资羽翼斯文 刚方沉甜典籍淵源紹述直溯神潢摊单該易師嚴道 有哲人尊經翼聖易挽張張猗與先生英姿卓立敦毅 卷十五

The Cart of the Control of 嗚呼求友道于今日抑何寥寥乎益勢利之溺人深而 後死者悠悠天壤孰為韓張瞻望几筵言採江離以酹 又云圖知先生可方嗚呼可矣人誰無死賢者流芳彼 廢點誦 不忘真積既久豁然一旦 觀體及當古云朝聞 金相非徒言之實允蹈斯為表為坊行年八十雙目已 存世道吾黨小子庶裁簡狂再窺先生實践間修五質 務 靈其鑒我飄然垂風鸞 取相羊 祭王生金如 劉龍山集 里


每有所規益予必改容以謝而金如自凝自策亦不少 而託為同志者幾二十年晚而相信益堅相切剛益勢 絕不及流俗一語至于患難則相恤德義則相勘過失 講學論道之風絕不聞于天下也始金如南弱冠而及 則相規者 匪一而足當 是時 予以為求友于天下而不 吾門員志不凡心聞已得所即及予姑遊巡謝之而處 可得也乃得之於金如私心甚喜之金如亦不鄙夷子 朋友之間自此往還 無問每相見必以學問相切劑

金にひでんるす

友足日臣 Arx 必有用于世即遺大投艱無事不辨而何意其止于是 傾倒之肝膽有非流俗革所敢望其萬一者古所稱豪 恕也予則因是以窺金如其超世之識過人之才隨處 膽而不必出之以養如是者凡以成其為金如之學而 之于古有天下之才而不必韜之以静有天下之真肝 乎乃予所尤憾于金如者金如有天下之識而不必印 傑之士非耶而世已有知金如者矣天假之年我知其 止即質之金如平日所志宜亦有未副馬者金如逐肯 劉義山集 图

成空谷嗚呼吾負金如矣若二三諸君子之辱交于金 說而罷予即欲効一語于金如不可得以迄于今此事遂 社之席金如偶舉立誠之説及省察克治之説予心喜 中道而止乎天假之年我知金如必有進也予猶記同 益知朋友之道不可一日不請于世也嗚呼今亡矣夫 要之百身之贖皆有同情古稱三益金如近之予于是 如者其所取舍政如人飲水冷暖自知固不能一一而 而目之曰金如自此進矣竟以同人意見相左不竟其

金りにかるする



自与日本人 劉載山集卷十五

欽定四庫

全書集部 劉載山集巻十六

詳校官監察御史 臣曹錫寶 侍讀臣孫球覆勘

磨銀拔貢 日曹羅淵校對官典簿 百郭称熾總校官編修日王燕緒

地聞于五人 大足马车全 1000年 イガリー(M) 稱三皇氏則三統之義所自 劉戒山非 得而紀云傳稱天開于 UF 極裁成輔相以左右 劉宗周 繏

犁 羲和欽若昊天歴東日月星辰敬授人時歳三百六旬 官成廢帝克氏作乃命重黎之後復典天官書曰乃 項受之命南正重司天北正黎司地其後三苗亂德 因之由此以觀則唐虞之世歲必首春月必建寅已開 **也黃帝受河圖仰觀日月星辰之象始有星官之書** 百王統矣夏受禪其道主因其四時之書則有夏小 有六日以閏月定四時成歲所正春夏秋冬四仲之序 然而思法大明舜攝位緊據職五衡以齊七政後 世

金テレ

Ŀ

1111

感者也至仲康之世義和廢厥職似擾天紀季 ᇒ 雷 视 辰 夏时之善所為考諸前王而不認百世以俟聖人 而 刑威之华三農以時 風水雪 唐虞之法加密馬若日星昏旦之次分至改閉 弗集于房王命屑侯往而征之盖夏正始 ううえ ヘンラ 世 燃 動墊與防降鳴雅之應以及王者因時行政慶賞 可知矣是以殷克夏明改妥正周克殷别改 雨明水旱之即百穀草木梯秀之候羽毛 種 植 劉龍山集 耕飲作息之宜靡不平具 亂 业 秋 2 其在 F] 期 朔 不

多方四月 會之則建及也日 央為四方之綱 艘 而 狻 正之遗而必逃改正朔以新一王之大 殷 之次而 周以征诛得天下其敬天投時之法未始不肇脩 大泉曰君子以治思明時義取改正朔也夏正建寅 者 正建丑周 利 用草也易之草曰湯武草命順乎天而應乎 月 正建子天地人三統也天以斗杓 行會之則建子也日 通建十二反而以 遞 **興訾之次而** 初 月 雖元枵之次 而 行會之則建寅也 答 法 為 則 候 繼大亂 タロ H 運乎中 驱 月 之

住意

火 乾 三統者子一 以三辰為功於三辰見天地之心故王者義取諸此以 長于寅寅者引也言萬物至此畢達也天以生物為心 くこうら 元萬物資始故得天統且二陽地數之始律應大日 而處功者于地上此夏時所以稱善也其曰天地人 正 取三辰之月以為歲首者陽氣始于子子者孳也言 物滋于下丸進于丑丑者紐也言萬物厄紐未出也 朔然必三陽履泰盛德在木協風乃至于時為五 1.1.1 陽始生于重泉天數之始律應黃鐘大哉 劉載山集

至哉坤元萬物資生故得地統寅三陽三才始倫律 多分四月月十 氣 生于寅者按邵子皇極經世以元會運世之數推之天 地人從出之序得三辰之會今以十二月準十二會而 宜 曰三統者天施地化人事之紀也十一月乾之初九陽 知夏統得人殷統得地周統得天也漢劉歌三統歷志 太簇地天交而為泰后以財成天地之道輔 伏于地下始著為一萬物的動鍾于太陰故黃鐘 以左右民故得人統也又曰天開于子地開于 相天地之 丑 為 應

大足の東公野 義是為三統其于三正也黃鐘子為天正林鐘未之衝 丑為地正太簇寅為人正云益漢以律起歷以十二律 商也為義故太簇為人統律長八寸立人之道曰仁與 刚 六陰氣受好于太防繼養化柔萬物生長林之于未令 天統律長九寸易曰立天之道曰陰與陽六月坤之初 以養之義以行之令事物各得其理寅木也為仁其聲 正月乾之九三萬物棣通族出于寅人奉而成之仁 剛體大故林鐘為地統律長六寸立地之道曰柔與 Ţ 劉蕺山集

掛位以正月受終于文祖先得夏時也殷以十二月為 **飲水能改乎夏夏不能改乎唐虞一也何以** 而已若夫春夏秋冬之時十二月之次則 辰人功自寓成于申也故云然三王正始所改者正 統 甲子朔為恐元也殷得地統謂殷歷統首得甲辰也周得人 之應也又曰夏得天統謂嗣世而王者冬至得十一月 物十二辰應十二月而推本于三正之義如此亦自 謂周歷統首得甲申也天施復于子地化自且畢于 周 不 能 明之幹 改乎 朔 然

多岁儿

たとうで

7

お十六

矣是經經也 周以十一月為歲首秦誓曰惟十有三年 泰大會于孟津武成曰惟一月壬辰旁死魄益十三 律歴志謂伊尹之嗣以冬至越紼祀先王于方明以 王奉嗣王祇見厥祖告即位也太甲篇曰惟三祀十有 成首故伊訓曰惟元祀十有二月己丑朔伊尹祀于先 上帝謂殷以建且之月為正月而以建子之月為十 二月伊尹以冕服奉嗣王始免喪朝見羣臣也而漢書 故乙丑日長至而配祀上帝也則非攝祀見祖之義

大足四年 八馬

劉載山集

鳴鳴八 數之乎故幽風之詩曰七月派火九月授衣又曰五 戶十月蟋蟀入我牀下又曰七月派火八月崔章七 春 多りでんるす 曰月三曰日 螽動 即夏小 為建子之月則不合書春矣洪範四五紀一曰歲 正月二日也然沈傳曰即建寅之月則夏正是也 月載績又曰六月食鬱及真七月烹葵及款八 股六月莎鶏 正之法也曾謂以武王之聖箕子之明而 四 曰星辰五曰悉數範出 振羽七月在野八月在宇九月 神禹所 叙 則 月 月 攸

決定四車全書 癸亥至牧野夜陳甲子 成其而合則以周正建子曲 發丙午還師戊午會于孟津明日己未冬至二月 戊子後三日得周正月辛卯朔明日壬辰癸巳武王 見月之必用是正也而律歷志曰初發師以殷十一 之日于相四之日奉 有夏小正之遗意為其曰一之日處發二之日栗烈三 斷壺九月放宜采茶薪樗食我農夫則皆夏時也宛然 剝聚十月複稻為此春酒以介眉壽七月食瓜八月 Ų 处者則從周朔也故 别我山东 稱 IJ 馬益 四 月 Ð いく

月

時王義則外而以臣子改正朔罪則僭也春秋何居乎 仲尼易之是紊亂二百四十二年時事也且以夏時蒙 而仲尼易之是矯誣上天也抑故書冬十有一月乎 易之以春王正月也建子非春則魯史故書冬正月乎 胡 王正月行夏時也按左氏傳曰周正月建子之月也 天子之事也董仲舒曰春秋受命改正朔易服色謂 一附會云耳執是而可以通春秋之說矣孟子曰春秋 安國傳曰仲尼以及時冠周月謂建子非春仲尼首 春 而 あ

欠日日本白馬 草李梅贺言冬有愆陽終冬隕霜不殺至于李梅且華 然 而實也成公元年春二月無水言陽氣初協至仲春 記時令一一以夏正通之如桓公十四年春王正月 于冬十有一月而仲尼手經筆削則托始于春正月所 **水志春和重民命也僖公三十三年十二月隕霜不殺** 為改正朔行夏時志天子之事之實也至于春秋 即因魯史實録明矣但魯史編年紀事每歲必托始 則春秋之春正月即夏時之春正月明矣仲尼作春 劉載山林 無 所

英考異同于是魯文公元年失閏月不告朔猶朝于 秋 سطد 解凍也昭公四年春王正月大雨電言陽為陰陷也定 泰無氷則二十七年之冬也無水災也梓慎曰歲在星 有食之傳曰辰在申司歷過也再失閏矣故二十八 告朔之廢自公始至襄公二十七年十二月乙亥朔 公元年冬十月陨霜殺菽言五穀不登見人主棄民命 多月にた 以來王迹熄矣天王不須朔諸侯不視朔天官失職 則 亦奚必以周正建子之序定炎祥平哉况周入 春 H

とう

火户四年全 盡故仲尼有感而作春秋春秋云者互舉以見四時 **閔失則四時不正四時不正則歲功不成歲功不成。** 祥莫考而定矣欲區區以周正紀其終始不已誣乎夫 歷之不正久矣定哀之春秋非隱桓之春秋矣四時災 紀 百工無所釐而底續乃聚先王繼天立極之統保絕 月 八月揂西流而愆在十二月則三失閏之故也然則魯 **蠡傳曰火伏而後蟄者畢今火猶西流司歷過也火** 而淫于元枵以有時災至哀公十有二年冬十有二 劉載山集 13 則

虞之盛故他日告顏子為邦首曰行夏之時行聂時将 法見諸行事首得聂時而行之撥亂反正臻斯世于唐 以正其所為云爾使仲尼得邦家之任必将舉春秋之 曰元者大也言萬物之所自始也正次王王次春春者 亂反正之道妈如也首書元年欽昊天也繼書春王正 四時之變以紀二百四十二年之衰亂屬辭比事而 月正天時明王道也絕筆于獲麟以天道終也董仲舒 天之所為正者王之所為其意曰上承天之所為而 下

以夏時見行事之實非區區改周朔之謂也仲尼既致 大三百百 二 于孔子之作春秋乎善乎孔子言之曰殷因於夏禮所 冬十月乃知秦漢之際盖以冬十月為歲首而非以冬 朝賀皆自十月朔漢與因之高祖始入秦紀年書元年 孟冬之月為歲首按史記始皇推五德終始之運以為 又百餘年而入戰國追于暴秦事亦師古克周之後以 十月為春正月也暴秦且然而况于周乎况于殷乎况 周得火德秦代周德從所不勝方今水德之始改年始 州截山果

過武陵年家子張幼青以舊所著吊萬工部詩及申理 夏時太初元年冬十一月甲子朔旦冬至為歷 元復得 損益可知也周因於殷禮所損益可知也其或繼周者 **典盡之矣漢與百有二年孝武用諸儒議始改正朔行** 雖百世可知也而董子推明之曰道之大源出于天天 天統定太初歷為萬世典常嗚呼盛哉 不變道亦不變又曰繼治世者其道同繼亂世者其道 題張幼青丹忠録

銀戶四月全書

難作則勢益燎毛方大索黨人俱平布天下所至道路 てこうら ここ 大夫有憑而界之者亦已寥寥空谷矣及季侯諸君子 同聲借劍者且抱頭氣窟一時士氣已盡即海內學士 直道而行也悲大方逆璫杖殺工部時兜焰大張向之 淋漓言人所不敢言如是夫亦曰斯民也三代之所以 先生白骨者因念幼青諸生耳何與天下事乃能慷慨 舊今周季侯冤狀示予予讀之献啟泣數行若重起二 不敢偶語而幼青獨率諸友生具呈上官請以百口保 劉龍山集

出之笥中固不足為幼青重好事者為付之梓人聊以 生之變操文以祭識者知其不凡視幼青今日其識力 青果不可及也吾鄉張文恭公為諸生時聞楊椒山先 幼青竟坐是為讐家所持得免于禍幸耳吾是以知 季侯上官為之咋舌非復向時文人弄柔翰生活其後 舒定四月全書 存二先生也幼青亦云 内事願幼青更廓眼孔進而窥其大者區區殘墨數行 何啻径庭将來監立殆未可量先正云宇宙內事吾分 幼

曹受知于公者也一日募兵吾浙即拜為上客委以調 天下北之會時事已壞公志益無可展嫉公者因中以 こううら こい **然之呼自此北進無譯者竟為榆關一借聲援惜其謀** 事者有徐無夢云無夢慷慨任俠以布衣将江湖間 危法權當為政卒就吏訊遣戍去而其時與公周旋兵 度多中肯綮既領健卒六千人行次升關以片言定庚 辛酉之役天王何公破家殉國仗勤王之義力雖不任 題勤王紀畧 劉載山集 故

詔獄禍且不測無夢復徒步走榆闖謁闖大吏袁公解 不盡用于公僅結募兵之局而公亦旋以讒去無何速 常而濟公于九死一生之日則視孟嘗賔容遠矣嗟嗟 為人期得一當報 地得不死人以是益多無夢無夢居恒慕要離聶政之 公事坐累稍縮胸不任而無夢力以大義持之卒為公 之袁公固嘗按公所募士甲乙썙然無隙可乗第恐以 國士之遇國士之報往往不相償自古嘆之即君臣且 知己是役也濟于行問者猶策士之

多定四月全書

然况朋友乎友人有談無夢風義者復授予勤王紀畧

獄時贈提牢比部應養虚公序也先生文集若干券及 嘉禾陳子則梁城予椒山先生佚稿 因慨然想見其為人而書之 題楊椒山先生佚稿 通則先生在

詔

篇近始為天台陳木叔搜録付梓以補全集之缺而 養虚公者其一云予因莊誦數四而有以窺先生之徵 獄中手著年譜既盡行于世而其供不傳者尚得若干

贈

次定四軍全勢

Ų

劉戴山集

光天壤事業旦古分稱本朝有數人物不虚耳乃先生 天之所以與我者如此而先生偏有以完之宜其忠義 不過滿在子為孝在臣為忠在弟為悌在朋友為信盖 之譜曰吾地下必有以報應生嗚呼朋友如此况君臣 之所當為稍異于前此諸公之下石者而先生東奏相 夫養虚與先生傾益交耳提牢之役亦不過舉其職 分 多发电压 之際乎吾乃知先生之心如萬斛源泉随地湧出無處 感一時知己之証満紙淋漓至不難 刎頂以見志且書 1 July V

欠足习事私島 欲所欲有甚于生者死亦我所惡所惡有甚于死者此 又推之見道之分明可為知本矣孟夫子曰生亦我所 之言心也必武之死生利害之際以觀其素上其所養 未識面觀其所好可以知其人并借以請事焉 以示天下學士大夫之求心者木叔者則梁友也予雖 以得此于賢者乎誦先生之言亦可以憬然矣則梁好 亦人人皆有之本心也 而獨歸之賢者之弗喪則亦 古士也辱與予交因問序于予而予為推其說如此将 劉載山集

盡之日也當事者鰓鰓補救的幸目前之小康不得而 復何怪民生日蹙致有今世乎說者曰今天下三空四 栗之陋習而後世且視以為創典如井田封建之不可 金月四月月十二日 社倉其小者也質之三代限年耕餘之法猶然移民移 夕之便孰有以王道為心生民之餓渴為己餓渴者夫 而後世率鮮能行之俗之弊也人樂茍且之謀事規旦 予嘗感朱子社倉法以為荒政之前茅無有善于此者 義倉先聲

齊之法也其然乎其然乎則請以責之吾僚譬之父母 者既然議賑賑無幾也又無法或反以為属一二有心 力也不手足是念而嫉肥自殖必無幸矣歲甲戌吾越 東老鞅掌婚嫁不能給諸子其諸子之成立者尚有餘 迁議社倉是由絕而為畜艾謀空奉格闘而講坐作止 者乃起而私贩轉相勸導得金銭若干計三縣罹災之 請赦不得請她征不得請常平粒米又不得于是當事 大水西南一带瀕江之民多為魚鱉者三縣人情泊泊 てこうる こう 劉載山果

守以同志若干人為逐年交盤之次以某時為飲發以 者再往賑而吾黨遂弛其担諸君子乃進而請予以 民不下萬口各得持數日糧以去尚剌有餘糧會當事 銀好四月在書 若干年權子母而善息一聽之首事者至于今日貯本 日之捐販予因診計其事以茶處置倉展以某甲司典 随有某友者即首捐百金遠近與情輻凑而進甚于前 之资或捐或貸随豊隨約皆不敢强需之歲月以漸而 -此

欠三四車上 父母之懷也知乎此其于西銘之指不遠與 方或得少恃以無恐較之乃者家賜人給之勞不相什 進持之十年之久而其事漸有可觀一旦早乾水溢地 義也合千萬人以為義凡以解吾兄弟之顛連而上慰 其苗而恤其患者平今者倉以義名是合千萬人以為 人人知有利而不知有義將一膜之外皆秦越誰與故 勺之助與江海等無量也今天下胥岌岌矣亂自吾儕 百乎是諸君子之明德且垂之世世而無窮即一錢 劉載山集

賑嵊緣起

言者盖自去秋不登迄于今死亡流散之状日異而月 季春有白馬山房之會偶及鄰嵊災其民菜色有不忍 莫為之所予因商之祁世培侍御請上官暫捐帑金召 不同勢岌岌盡矣一時諸君子相顧嘆息若身罹痛而

商轉雜庶幾米集而價平官不帶而民沾微息亦小康

之道乎或曰官於如洗奈何無已請以吾僚士大夫之 有力者任之而終難其事卒付之虚碩而已既較會語

而 手無一 將克舜其猶病矣因聽諸君子隨其願力為之嗚呼 滴耳雖然士尚存心于愛物于人必有所濟必博且眾 也請如昔年天樂鄉故事設廠為粥以食餓者予思以 而身任四之一于是遠近傳之揶揄相勘方舉事有日 邑之衆而計口求活于二三措大之手猶西江之涓 稍聞之王生爾吉既然為諸友倡計以千金行一販 社中王金如丞碩予曰嵊民死者垂盡矣幸有存者 錢而欲以平雜博半菽之飽此索之枯魚之肆 劉載山果

欠三日戶二十二

黨今日斯舉將為之喝矢也聞者曰然因相與弱罪行 銀牙四月石十 事其條例署之金如煩悉不再具 相 顧予思往者天樂之役即色諸大夫實為士紳倡吾齊 分世業之制壞而議常平常平不得而議借贩至借贩 歌樂只者歸之諸大夫又安知前徽之不可繼乎則吾 不可得而又議授餐斯其為救荒之策愈告亦愈下矣 與仰承之不過推揚德意以報成事至今一方之民 蒙扶句解 卷十六

C ... 3 12 12 1 业 有亡子者日與里中敗類遊相習為派蕩漸去其家既 德有亟呼亡子之義焉然間以語今之人鮮有知者族 旋反之喜豈不大幸此性習之說也易之緊蒙也山下 兄遵晦氏古朴有行超盛謝舉子以蒙師教授里中 出泉消渦而清歌猶未遠其初也君子則之以果行育 而益習其所客之風土人情而安之且為終焉之計矣 一旦有示以鄉井之樂而招之使返者掉臂勿顧也設 何其亡之未遠而招之主人無辛苦之勞而亡子有 劉載山集

詩歌十餘則陳之家塾以佐句讀所不逮其言或雅或 流俗之敗自後生小子始也因做古人小學之意演為 招乎有建鼓而超者大聲疾呼不得或談言微中而得 耳如一一談其意中事不啻簫韶之可聽也彼其心固 俚一一出之肺腑一二父兄視之以為巴人之聲學完 以道而不信告之以聖賢之格言而不知將遂無所用吾 未遠其初也雖然彼父兄者業已身為亡子久矣語之 之語耳安取于蒙求者而稱之而不知偶入于蒙者之一

銀好四四百書

進而接吾近祖贈司馬公亦得稱大宗而予復荷祖宗 亡者此又遵晦氏嘉惠吾里無窮之意也并為弁其首 夜氣而立發其鄉井之思未可知也庶有偕子弟而追 之蒙求數語非雅非俗之間偶與之會心猶足以通其 之祐恭竊禄于朝以有今日則先世未竟之其表皆予 予先世自支子而降一嫡相傳以至予不肖本小宗也 大宗世業引

ILCA DOIAL ALLAND

劉成山集

也敢吾族并敢吾先世派嘗不可言也嗚呼宗周向時 赡八口者皆遗自先世及先太叔人紡績之餘終亦 管累世派當之計以及赡族貨積十餘年告竣其一二 銀好四月月十 所志何若而幸有成事者僅如此而已乎 世吾家則必世吾業有敗之者曰不孝敗吾家猶可言 能敵其瞻族之半因并書之册以示後人後之人思以 人事也予少而有志頗窺遠大中年不競乃始退而 會指縣流政引

民勸相故曰井養而不窮誠如是即有水旱凶荒何所 宗周居恒私慨生今之世安得視古太平之民豊衣足 人各遂其情矣此井田之意也易之泉井也君子以勞 王生之而不傷人情莫不欲富三王厚之而不困夫惟 三王知天下之有同情也而通天下之情以一之則人 日夫為政者亦師其意而已矣語曰人情莫不欲壽三 可得謂將此井而田此內而刑則雖聖人不可行于今 食家用平康如所謂使民富且壽者而稱之思之而不

欠它四年全

家載山非

事未已也則又踵與辰議相養法委其鄉之士大夫而 **嗷頼當事者預為從新議儲栗議通商議平難岿蹶從** 千載如一日善治天下者因之而已吾鄉庚辛間連遭 病諸今之天下非古之天下而獨其含情而載魄者數 金見いたとこ 其里胥三老曰脈曰粥無不應以是死傷雖日衆而所! 大浸里人之饿殍而轉徙者日相告也今年春饑民歌 以粥又以其貳屬分巡四郊遠至窮山僻戶一 紀之朝一 期會馬曰眼應以眼幕一 期會馬曰粥應 一期會

晦閃閃如一日也語不云乎君子之德風也人性之善 為之設法補助以有終益自歲首元夕以迄于兹七月 其德日手數錢施巧者又或壺漿載道姑半取其值以 無不於奮用命爭出其私困畫地而區計口而給朝夕 為嗟來而食者諱益人人有獨為君子之恥焉其餓且 如家人父子相慰藉者久之而一切傭夫賈監告好行 全活亦不下萬萬計當是時吾婚士大夫感上官德意 **见者又施档收之疫而病者扶持之上官聞之益喜更**

次定四華公島

劉載山集

養其色郷養其郷已矣非能以吾養也君子以為一時 民已矣非能以官養也即上而諸大夫亦遂曰吾以邑 當事諸大夫自監司鄭公而下無不極一時人倫之選 也與其情之必然而不容已也弟思無以劳來之乃者 有王政焉無何有秋告登一二子遗於你有喜色相與 動中機宜迄于有成嗚呼豈偶然哉侯固曰吾以民養 以敏才練識受成于下消萌杜蘗大者斧斷細者川 相與同心共濟如主伯亞旅謀其家事而會稽周侯尤

予年十四五時從先外祖南洲先生受易先生每脱畧 成冊以示我郡人倭固曰此佩鄉後事之師也宗周遂 章句獨據所見時于前董講義中弹射不遇力則以 受而書之簡首 乎一時痛定思痛之情仍有鄭俠不能圖而舉其父母 扶攜而望太平則又感而泣曰哀哉吾婚何自有今日 兄弟妻子不能聚而相告也于是候遂撫其往事書之 易經古文 抄義引

大巴马耳人生

到夷山県

意殊書附之以弱子小子子小子唯唯而已不識為何 金グロルノコー 時讀之又不識為何語也謹封識藏之笥中日久既 語也然亦稍能記憶一二焉及長予取科第去不復理 曰使小子有知能請先人遺書請必自易始成時每閱 聞前輩知易道者談及古文如是予因心識之竊自念 予先人舊存造書止得古文易一部與今文迥異予以 因念易道精微非後生小子所能知竟不敢從人問易 前語而先生亦長逝并其硃書舊本亦歸先生孫行予

抵本先生昔年所口授者衰廢潦倒盡學官聞念及父 至于手抄之下附存疑義亦竊忘其固陋而記之別大 之可通者以存古文之萬一敢謂遂能讀先人遺書哉 家之首犂然猶未能竟舍今文而從之也而姑從其理 官京師居外即頗與友人論太極之就覺語不可了軟 筆立書叙其位次為義易為文易為周易為孔易雖四 舉易以對因憶先人所遗古文取而稱述之隨為之援 封識軟低回不能仰視益五六十年如一日也今春罷 劉載山茶

灰色四軍全書 一

易抄義脱稿校正者婿王生疏著而門人祝生開美 師之遗不勝悅絕遂不敢棄去越月而成帙題之曰 **凡不復攜歸遂不傳** 行高古為士林祭酒其易解有著向存之河南新鄉 復赘所遺種種謬見不無挾勝心以出尚俟暇日改 更加訂定焉若乃易道之大則夫子贊之已詳予何敢 云先生授易時年已七十八矣後壽至九十二 而 卒學 王董父廟制書跋 Œ, 郭

尤足以補太常所不逮可為一代鴻猷令明廷一旦舉 告于我后而未果者也其楊九古今甚核而臚陳四疑 登極會廷臣集挑廟議太常洪桂渚先生議所以處獻 而行之豈不卓然有光前人垂憲來俱而獨愧予之無 有以成事阻者亦竟聚此書益予所商之董父将以入 則役已告竣久矣不佞猶追維扼脫欲踵太常言之會 皇者甚正舉朝趕之卒為禮官所持比不佞承乏即署

灰人王堇父廟制一書益不佞官儀曹時問答也今上

大三日華八十二

劉載山集

Ī

谬者特肅皇帝尊崇孝思愈引愈伸一 獻皇之稱宗入廟始于一二邪佞之口當時已有訴 能為役也予因是重有感焉語云禮樂積百年乃與亦 而時不能用至今以為缺典今上聖明不世出臨御 不暇以至于此速世廟升祔給事中王治遂首昌言 明良作合待其人而與之難故有君無臣自古嘆之 時廷臣將順

金女四人人言

卷十六

初虚懷訪落正臣子畢智助勒之日稽古定制善繼善

述千載一時而不幸又以軽戲禮官輩失之豈所謂

志云 幸矣故紙在笥漫書數語于後遺董父亦以誌予之素 推其自寸莲之叩不佞且託董父以不朽視昔人有餘 問胥失之真董父之言終不可廢他日有舉而行之者 書之以為美談乃菫父竟不能得之于不佞君臣朋友 待百年者耶考王給諫之建白得之其友朱德懋史册 芳齊公三世 家乘跋

欠日甲白

宗周述我祖三世事狀不覺肅然飲容焉嗚呼芳齊弗

以我山果

声

我祖宗遭家不造父子兄弟問問開萬里行則裹糧居 謂世濟其美至居安思危四字尤足以見祖宗相傳心 銀好四屆有書 莫非祖宗之赐其忍忘之耶夫惟有前日之憂危而後 也至于今宗風亦浸以偷矣語曰生于憂患死于安樂 以永保家聲于無恙而惜也蒙業而安者之久而忘之 法凛凛乎盤盂几杖之嚴後之人茍能守之弗失亦可 可詳兵若遂安民季之克孝克友素卷之善繼善述可 則荷戈出萬死一生以延我劉氏我子孫一絲一栗何

劉氏處郡城者以芳蘇為鼻祖一傳而遂安再傳而素 遗時翁年已八十 矣孝思如此允光 世德云 然未之監也兹崇禎之戊辰公孫王宇翁重脩墓道更 衰微安危倚伏之機亦誠可畏哉祖訓具在後之君子 于三世墓前各立石几而表題其上方頗足補苦人之 有今日之強大亦惟有今日之豫大而即釀有異日之 有絕武之思者尚三復于斯按司馬公固有三世墓表 芳蘇三世祀典跋

欠三日東公司

劉載山集

|銀片四月全書 歲時上塚三大支或分或合姑聽其便而不之强将劉 子之後特立祭田示芳齋有專享而因以二府君祔之 宗子主祭之法也予不肖居恒有感于斯因勤芳齋宗 享祀之不表于禮所由來矣族屬之降也其不能不自 巷明二府君以後私之矣惟其私之也故并芳蘇而私 氏二百年薄惡之習稍稍挽田以此乎若曰喪祭從先 親而疎者勢也而使無有乎親疎之問百世如一日者 之遂不復知芳齊有宗子而宗子亦遂失其宗子之職

既遠廢忌久矣惟素養之子孫自今日主祭者而言于 故相沈龍江先生家祭法自其始祖而下皆不廢忌祭 其父母自父母而及于祖及于曾祖及于高祖法無可 益亦大宗子之禮然與芳齊于劉氏亦大宗也而傳世 推矣弱于情斯弱于禮窮于禮轉弱于情然宗周近閱 尼有然志哀也君子有終身之喪思日之謂也子以事 祖則宗周滋戚矣 素卷思祭跋

これ うこと かよう

刺載山集

宗子孫皆得與干祭以伸合與之情則一舉兩得者乎 祭由素恭及芳齊三世合享以補從前之缺憾亦禮意 無己請俟諸素恭議桃之日即前日之忌祭改而為時 安芳齊之不思固不特在今日矣君子于此又傷之也 禮然也夫大宗也而已在所祧不祧素卷何居且也遂 素卷猶稱高祖忌祭弗替昔也各房分之而今也合之 多万四月有言 也宗祖之浜也其甚于素巷所分今也拾芳蘇使大小 甚盛舉也然則世世思素卷乎曰易世議桃小宗子之

明德淵源録跋

劉氏祀典軍政皆有籍始自先宗長敬亭翁翁東家政

凌替者亦復不恤怨德以絕之稍可垂之世守矣追念 蓝章用是宗周不敢忘前日之緒而竭蹶從之久之始 **烟立紀綱為經久計見前食憲公序中是時三世祭産** 不敷公嘗用此樣捲雖經宗周華日為經營猶未及慰 翁志以殁既殁十 餘年今宗長胂宇翁益引孝思加毙 不腆之産告成事歲足以供烝嘗而若軍産之日 有

大己可見という

别载山集

ŧ

恩禁世錄者錄恩數之最異者也何異乎爾先是宗周 緒云 昔人良用恤然暇日取舊本更為潤色付之剖劂以示 金月四人名言 而通一體之愛宗周將竊取之無以貼後人使無忘先 燕享而已其義則尊祖敬宗而避豊禰之嫌收族合 浜 族人首載家乗具見世家之淵源如此書曰恭視非聲 明德惟馨故題之曰明德淵源録是録也其事則祭祀 恩紛冊跋

特為題請得以正八品官告馳贈我先君則異數一也 釋褐于萬歷之辛五殿甲之資當拜京朝官而宗周先 極電恩凡新被命者皆與宗周因得以赴官之日 詢之當事者曰應補封從京朝官需次例于是驗封司 應選京朝官而需次者皆給誥比宗周報關謁選行人 既而宗周請告坐廢八年不赴官會貞皇帝哲皇帝相 期以内艱去是年秋册立貞皇帝為東宫覃恩下逮儿 御極録用先朝遺逸之士起宗周儀曹郎而是時登

大いな自たいう

劉義山集

多以四月全書 楊及三世九稱異數云國制臣子服官非滿考不則封 **階且追贈我先大父母品亦如之旋奪旋予又加予之** 周為京兆又給京兆官浩于是晋贈我先考妣三品 命褫奪不二年今皇帝登極又軍恩給還舊語且起京 邀新命又一典數也及宗周自僕少在告旋起銀臺被 附會冊立東官軍思宗周以去國之身未任之職而 曹改光禄丞晋尚齊少鄉連推僕少未任請告方候 官語至此先慈并被一命兵又一典數也及宗周自 儀 命 勲 并

一者 ИĹ 此外以國慶軍思者普天順湯于臣子為特恩或畢世 給可為信而有徴矣夫以弱植如宗周居恒碌碌靡所 俟河之清終無日矣浮沉三十年之中而四遇犀恩邀 曹者十開月官熟各者幾一載官尚重者三開月官京北 而 矢口 ,種種異數實惟我祖考積德果慶非朝伊夕天道有 雖院于生前而終必獲伸于身後如操恭然棒誦温 不一達如宗周不肖官行人得雨載餘不及考官儀 | 載倘必待滿考有尺寸之績而後推思於所生則

欠正日早 公馬

劉載山某

的厥孫謀以燕翼子我祖考有焉孝經曰立身行道揚 翼是恃心滋愧矣庶其全而生之全而歸之日有孜孜 名于後世以顯父母宗周其能平哉顯揚之無當而燕 **倖疏級至有今日信非徼惠我祖考之靈不及此詩曰** 表見即冗員下僚已昼為清時所棄顧乃數小數起徼 石峯先生不急急于榮進不規規于利禄超然遠引急 以幾于無忝所生之義則宗周雖不肖其敢不自 書管石举卷 勉馬

多月四月月十

江公書概可想見先生出入通津家無長物所至惟圖 **人三百巨人時** 而光顯之子将于德隅父子問問弓冶馬行兵勉之 樂何事非崇華非利禄亦非泉石膏首聽其子孫 順不及時行樂何為遐哉先生不可作矣試問先生所 其元孫德隅受而讀之慨然想見其為人其曰年瑜耳 江家其後人遇而得之表童成軸寶為大訓宜哉予從 書數卷而相傳阨于一炬僅此書數通并雜詩藏于秋 勇退意其智中雅有邱堅趣非苟而已也觀其與秋 劉最山朱 抽

事止遂矣予正言解之曰子方有意于聖旨之學而以 動丘四月月十 宿語已而綿之忻然在座諸友既各商所疑予因諄諄 朔友人私謂予曰今日之會綿之當不至矣或曰必無 祭利附是背馳也曷亦從所好乎綿之曰敬受教明 明經萬可謁即停下亦不失作仕進階親睡多悉風者 予不敏與綿之共學有日每朋聚問綿之塔焉不輕於 語意自得也一日綿之以進取見商近例許輸栗 贈朱綿之進學解 為 E]

然而已越數日始叩以前事曰已矣奉吾子之教勿再 計兵予得之所然居今之世學古之道有卓然不感乎 康足而後已始知向者梯裡贈酌之果弗如也藉令菽 濟子機得也处款栗充腹體聚入口而者且飽焉至于 聞之君子之于學如機過之于飲食然彼飲食者亦既 內外輕重之辨者必綿之也綿之其可與進于學矣予 次定四軍全書 知梯律之不如菽栗與擅酪之不如體浆矣而猶未有 于義利之辨及覆數千言意未嘗不在綿之也綿之點 Ņ 劉載山集

完于人曰我知味其谁信之夫學亦若是已耳綿之既 兵雖然世有知菽果醴股之為美而終棄而用顧 知 年りい 商丹益進道之難如此况又有前後無軌者綿之勉之 乎曾點添 如 栗當前而弗 飲食者必則于入口不妖且飽不已庶幾其有成矣 斯道之大性分之尊之有加于祭利矣請從而 以濟一時之急而又棄弗取終聽其枵腹以死猶 雕開已見大意及夷考其所學終不克齊諸 御體聚在列而弗舉則反不如稀裡題 進馬 者线 É 酪

馬 伯含雅有志于學一日偕其雁行素中請益予則何以 之之处有進也暇日偶書之以示同志使後之學者法 言者将毋此道已津津入口在齒頰間耶子是以知鄉 心所為塔焉不致一語應必有獨領其趣而不可以名 人綿之既智足以及此而第思其不能進觀其近日用 並伯含雖然語有之志立而學半益言其難也必也首 書王生伯含扇頭 劉載山是

勢兵四月百言 以卜其安也斯可與言立志矣問所志何事曰閱此數 偏也又武之意見之似以清其脉也又武之夢寐之交 試之流俗之衝以防其狗也進武之氣質之蔽以矯其 關更有何事請以商之素中 劉我山集卷十六